



Allakkiq Notat

Syfilis 2019

Ulloq/Brevdato: 10-02-2020
Suliaap/Sags nr. 2019 - 965
All/Dok. nr. 12855919

Aallaqqaasiut naatsoq

Nunatsinni Nakorsaaneqarfik nappaatit tuniluuttut nalunaarutigineqartussat ilaatigut syfilisertut pillugit nalunaarutinik tigusaqartarpoq.

Postboks 120
3900 Nuuk
Tlf. (+299) 34 51 92
Fax (+299) 32 51 30
E-mail: nun@nanoq.gl
www.nanoq.gl


Nalunaarutit taakku pitsaassusaat qulakkeerneqartuarpoq taamaakkaluaq nalunaarutini tunillatserlaajunersut imal. qangali tunillatsissimasuunersut tamatigut paasineqarsinnaasannigillat. Syfilisimik tunillatsissimasut nalunaarutigineqanngitsut, pitsaassutsimik qulakkeerinissaq sulissutigigaluarlugu arlaliusinnaanissaat qulakkeerneqarsinnaanngilartaaq. Taamaammatt kisitsisit ataani saqqummiunneqartut paasineri allanguuteqariataarsinnaasutut paaseqqunarput.

2019-imi Syfilisertut

2019-imi syfilisertut katillugit 118-it inunnut 115-inut agguataarsimasut nalunaarutigineqarput.

Taakkunannga 47-it angutaapput 68-illu arnaallutik, tassami nalunaarutigineqartuni angut ataaseq arnallu marluk ukiup ataatsip ingerlanerani marloriarlutik tunillatsissimmata.

Agguaqatigiissillugit 29,1 -inik ukioqarput, 13-iniit 66-inut ukioqarlutik.



Takussutissiaq 1: Syfilisertut ukioqatigiiaanut agguataarneqarnerat.

Syfilisertut amerlanerit 20-it 29-illu akornanni ukioqarnerat takussutissiami 1-imi takuneqarsinnaavoq. Statens Serum Institut-ip kisitsisaataanut 2018-imi Danmarkimi syfilisertut amerlanerit 40-it 49-illu akornanni ukioqarnerannik takutitsisunut naleqqiullugit allaanerulaarlutik.

Tamatuma saniatigut 118-ininiit 32-it inuusuttuaraasut (angutit aqqanillit arnallu 21-it) takussutissiami 1-imi takuneqarsinnaavoq. Taakkunannga sisamat nivarsiaraapput 15-it inorlugit ukiullit, takkunannga ataaseq 13-inik ukioqarluni, angutillu pingasut arnallu 15-it, 18-it inorlugit ukioqartut.

Syfilisertut sumiiffinnut agguataarneqarneri

2019-imi syfilisertut katillugit 118-iusut takussutissiami 2-mi ataaniittumi takutinneqarpoq. Nuummi amerlanerpaallutik (tungujortoq), tulliulluni Tasiilaq (aappalaartoq) taavalu Paamiut (qorsuk qaamasoq).

Tasiilami 2019-imi syfilisertut katillutik 16-iupput, 2015-imut 2016-imullu 22-iullutillu 23-iusunut naleqqiullutik ikinnerullutik.


Paamiuni 2019-imi syfilisertut katillutik 15-iupput, siornamut syfilisertumut ataasiinnarmut naleqqiullugit amerleriangaatsiarlutik. 2013-imi ataasiinnaavoq, 2011-imi, 2012-imi, 2014-imi, 2015-imi 2017-imilu syfilisertunik nalunaaruteqartoqanngilaq.

Tamatuma saniatigut Sisimiut (tungujortoq qaamasoq) ukiuni arlalinni ersarissumik takuneqarsinnaasoq qalipaattillu tungujortup qaamasup annertussusaata allanngorarnera- tassalu Sisimiuni syfilisertut amerlassusaasa allanngorangaatsiarnera takussutissiami 2-mi ataaniittumi takuneqarsinnaavoq.



2019-imi syfilisertut kommuninut agguataarneqarnerat


2011-imiit 2019-imut Kalaallit Nunaani syfilisertutut nalunaarutigisat



Takussutissiaq 2: 2014-imiit 2019-imut syfilisertut kommuninut agguataarneqarnerat. Kommuni 2019-imi amerlanerpaanik syfilisertulik alliualluni sinneri qummut ikiliartorput.



2019-imi syfilisertut qaammatinut agguataarneqarnerat



Takussutissiaq 3: 2019-imi syfilisertut ullormut misissuiffimmumt agguataarneqarnerat.

Qulaani takussitissiami 3-mi ulloq misissugassamik tigussiffiusoq naatsorsuutigissagaanni, qaammat suna nappaatip suussusersineqarnera takuneqarsinnaavoq. Tassani amerlanertigut marsi qaammat, tulliullutik maaji qaammat januaarilu, nappaatip suussusersineqarsimanera novembarimilu suussusersisat ikinnerpaasut takuneqarsinnaavoq.

2014-imiit 2019-imut syfilisertut amerlassusaat



Takussutissiaq 4: Innuttaasut 100.000 iuppata 2014-imiit 2019-imut syfilisertut amerlassusaat.


Syfilisertut 2014-imiit 2019-imut amerliartornerat takussutissiami 4-mi takuneqarsinnaavoq.

Tamatumunnga atatillugu innuttaasut 100.000-iuppata 2018-imi 250-it missaanniit 2019-imi 210-nut ikileriarsimanerat takuneqarsinnaavoq.

2018-imi Danmarkimi innuttaasut 100.000-iuppata syfilisertut 9,3-upput (1).

Taamaalilluni syfilisertut Danmarkimut sanilliullugit nunatsinni amerlanerungaatsiarput.

Syfilisertut nunap qitiusumik immikkoortuinut agguataarneqarneri



Takussutissiaq 5: Innuttaasut 100.000-iuppata 2014-imiit 2019-imut syfilisertut nunap qitiusumik immikkoortuinut agguataarneqarnerat.

Takussutissiami 5-imi 2014-imiit 2019-imut syfilisertut amerlanerniit tulleriaarneqarnerat takuneqarsinnaavoq;

1. Kommuneqarfik Sermersuumi 2014-imiit 2019 amerliartorput
2. Qeqqata Kommuniani 2014-imiit 2019-imut annikitsumik qaffalaarsimapput
3. Avannaata Kommuniani 2017-imiit 2019-imut amerleriarujussuarput
4. Kommune Qeqertalimmi amerliartornerat takuneqarsinnaavoq 2016 -imiilli 2019-imut ikilillutik
5. Kommune Kujallermi 2014-imiit 2019-imut amerliartornerat takuneqarsinnaavoq

Najoqqutarisat:

1. Statens Serum Institut: Syfilis - opgørelse over sygdomsforekomst 2018

Uani pissarsiassaavoq: <https://www.ssi.dk/sygdomme-beredskab-og-forskning/sygdomsovervaagning/s/syfilis---opgoerelse-over-sygdomsforekomst-2017>